

Framlegg til KULTURPRISEN 2023.

Vi meiner at Samnanger skulemusikklag (SSML) bør få kulturprisen 2023. Dei har gjort, og gjer, ein fortenestefull innsats for kulturlivet i kommunen og har drive aktivt kulturarbeid over lengre tid.

Dette året er det 24 musikantar i hovudkorpset, 6 i juniorkorpset og 10 i aspirantkorpset.

Ser vi tilbake berre dei siste 10 åra, har skulemusikken fått stor merksemd både lokalt og regionalt:

2023: Hordablæsten - 4. Plass i 2. divisjon

- Juniorkorpset: 1.plass i si gruppe

2022: Hordablæsten - 1. plass i 2. divisjon

NM i Larvik - 2. plass i 2. divisjon

2021: NM på stream - 2. plass i 2. divisjon

2020: Ingen arrangement grunna Covid

2019: Hordablæsten - 1. plass i 3. divisjon

NM i Larvik - 1. plass i 3. divisjon

2018: NM i Bergen - 1. plass i 4.divisjon saman med Vaksdal barne- og ungdomskorps

2017: Hordablæsten - 2. plass i 3 divisjon

2016: Hordablæsten - 1. plass i generasjonsklassen

2015: Hordablæsten - 1. plass i generasjonsklassen

2014: Hordablæsten - 3. plass i generasjonsklassen

I tillegg til desse plasseringane har både juniorkorpset og mange solistar fått flotte plasseringar i Hordablæsten, i hard konkurranse med fleire andre i sitt årskull. Gruppeprisar og solistprisar har og vore utdelt til SSML der.

I tillegg til å delta i konkurransar, har skulemusikken hatt mange konsertar i Samnanger, og gledd store og små med flott musikk. T.d temakonsertar som Hits gjennom tidene, ABBA, eventyr, spelmusikk og Melodi Grand Prix har dei spelt for fulle hus. Til jul 2022 hadde dei eit imponerende juleshow saman med heile kulturskulen i bygda.

SSML har m.a arrangert "Korps i friluft", utekonsertar på Bjørkheim, Andeslepp m/konsert på Neset, og deltatt på Samningaveka, julekonsertar og opninga av Tyssetunnellen. Kvart år stiller dei opp på julegrantenninga på Samnangerheimen og på Bjørkheim.

17. Mai er dei fast innslag på Samnangerheimen og i 17.maitoget opp til Samnanger barneskule. I 2020 og 2021 då 17.mai blei "avlyst" spelte dei fleire stader i bygda og spreidde god 17.maistemning likevel.

Utanlandsturar har dei og hatt, m.a til Krakow i Polen og Færøyane. Her har dei hatt konsertar både inne og utandørs, og vore flotte utsendingar frå Samnanger.

Tysse - og Norbygda musikklag har jevn tilstrøyming av unge musikantar, og er flinke til å ta imot dei unge. Også BFUng, Hordaland Ungdomskorps (HUK) og Dragefjellets musikkorps (Dragen) har

rekruttert musikantar frå SSML i fleire år. I tillegg har nokre musikantar frå SSML fått utdelt Drømmestipendet av Norsk tipping/ Norges Musikkorpsforbund (NMF)

Alle i SSML er flotte ambassadørar for kommunen vår, og har godt samhald mellom årskulla. Dei er greie å ha med på turar, og er flinke til å vise omsorg for kvarandre. Foreldregruppa er svært positiv og stiller villig opp på det som skjer, og korpsa har svært dyktige og stabile dirigentar som "ser" kvar musikant.

Vi meiner at Samnanger skulemusikklag gjer ein stor innsats for kulturlivet i Samnanger, og er ein verdig vinnar av kulturprisen 2023!

Mvh

Kjersti Solemdal

Gunnveig og Jostein Loe

Kristi og John-Einar Mjelstad